

FORA PER LA SETEMÈNA

L'identità te vedrina

Esposizion de la vedrines de l'identità te la boteighes.
I boteghieres met fora te sia vedrina n segn de identità ladina.

Te la scolines de Fascia

- duta la scolines de Fascia ge porta dant sia scomenzadives en onor de l'identità e del lengaz ladin a sia families e ai raprezentanc de la istituzion che à endrezà.

I bec de la scolines de Fascia jiarà con Berol, la mascotte de l'Aisciuda: chi se regolarà, chi ciantarà sia cianzon, chi en fajarà sù un con material reziclà, chi se enventarà sia storia e chi l depenjarà e farà sù n zeberchie. Claus Soraperra e Manuel Riz (Scedola) ge portarà dant ai bec coche l'é stat enventà e dessegnà chest personaje, doventà simbol feruscol e deletegol de l'identità ladina fascèna.

- vegn dat fora magnadiva tradizionèla ladina
- te duta la scolines se reiona ladin
- a duc i bec ge vegnarà dat fora l pontapiet del Bertol



AISCIUDA LADINA



**Setemèna del lengaz
6-11 de mé del 2013**

Identità ladina, economia, teritorie,
prodoc locai e cultura

PER MAOR INFORMAZIONI

Comun General de Fascia
Ofize Servijes Linguistics e Culturèi
Str. di Pré de geija, 2
38036 POZA (TN)
tel. 0462-762158
fax 0462-763046
e-mail: cultura@comungeneraldefascia.tn.it

AISCIUDA LADINA

Ence chest an l'è ruà l temp de l'Aisciuda, chela del calandèr, ma ence chela del moment de reflexion di ladins sun sia identità e sie lengaz de mendranza. L travert del Comun general de Fascia te chesta manifestazion, ruèda oramai a sia quinta edizion, l'è chel de ge sporjer ai fascegn l met de pissèr a sie esser mendranza delaite da duc i moments che caraterisea noscia vita: la sozietà, l lurier, la cultura, l temp ledech, la storia del passà e chela che arà da vegnir per noscia val.

Identità ladina l'è esser e saer de esser jent rica de valores te na sozietà, chela fascèna, olache vèlch'outa l ben economic somea che l passe sorafora al besegn de duc nosetres de se tegnir da na man ence n cianton, olà poder coltivèr n benstèr sozièl e uman fat de cultura, de èrt e de cognoscenza de sia reijes. Coscita l'Aisciuda ladina ge sporc vigni an ai fascegn n moment de reflexion, de festa e de bona prateghes che ge perferesc ai fascegn vi-des scempies e originèles de se tor dò ence tel lurier e ti momenc sozièl sia identità, la fajan doventèr valor enjontà ence a livel economic. L'è pèrt de chesta scomenzadives l projet "Amisc del museo" sport dal Museo ladin de Fascia, la ativitàes del grop di joegn hotelieres de Fascia per ge dèr luster a l'identità ladina e ge la sporjer a sie ghescé, la scomenzadiva del Comun general per la publicazion che porta dant artejegn e boteghieres de Fascia, la terminologia del becé e del malghier da tachèr fora te la botèighes, l ladin te vedrina - la scomenzadiva endrezèda da l'Union di ladins che la envia duta la botèighes a meter fora n cianton ladin te sia vedrina -, i contac semper vives anter Scola ladina e teritorie e de outra scomenzadives che met al luster nosc esser ladins.

Con chest spirit de colaborazion vegnarà enaudà te chisc dis ence la Mèlga de Fascia, a Pera, con apede la sezion del Museo ladin dedichèda al Malghier: n esempi che la disc longia sun coche l'identità e l teritorie fascegn doventa i sedimes de na scomenzadiva economica che à ratà tel passà e l'è doventà aldidanché fontèna economica sèna e percacenta.

Duc i fascegn doventarà pian pian i protagonisc de chesta Aisciudes, percheche l'identità ladina l'è na costion che tol ite duc i ladins.

Ve speton!

VENDER AI 10 DE MÉ - POZA Festa del lengaz 2013

Museo ladin de Fascia

17.00 se aur l'Aisciuda Ladina 2013

Saores de mia tera: cercia de prodoc locai

- Saluc
- Economia, teritorie e identità, n percors che va inant. Prezentazion del program per l'an 2013.
- L Museo Ladin e si "AMISC": na rei per l'identità ladina.
- Hotelieres, boteghieres e artejegn: la scomenzadives identitàes de l'Aisciuda ladina 2009-2012:
 - prezentazion del prototip de la scafa dai libres per "Ladinhotel" projetèda dai bec del Lizeum artistich de Poza;
 - l lengaz te vedrina: terminologia del becé e del malghier da meter fora te la botèighes;
 - prezentazion del projet "Lurèr fascian. Artejegn e boteghieres de Fascia". Vademecum curt e zevil co la lingua de duc i boteghieres e i artejegn de Fascia.
- "Chi dal Formai" e duc i etres: n recognosciment ai productores km 0.

19.00 aperitif musical



SABEDA AI 11 DE MÉ - PERA Mèlga de Fascia

Vegn enaudà la neva senta de la Mèlga de Fascia e la sezion del Museo Ladin "L malghier"

11.30 ujes averc de la neva sezion del Museo ladin de Fascia e de la Mèlga de Fascia

13.00 marena averta a duc

15.15 Meisa torona:

"Valor e valorisazion di prodoc dal post. Preferir la calità e stravardèr l'economia del teritorie".

Tolarà pèrt:

Paolo Brunel (President de la Mèlga de Fascia);

Luca Giongo (Diretor de la Coprativa de Fascia);

Ferruccio Chenetti (Zootecnich);

Sebastian Ghetta (produzion bio);

Andrea Merz (Concast - Trentingrana);

Rosa Carpano (GAT - Active Hotel Olympic);

Dora Tavernaro (Strada dei Formaggi delle Dolomiti).

Moderator:

Lucia Gross (giornalista de La Usc di ladins).